

ادبیات کمونیستیه بخبریه

هفته‌لق سیاسی ، ادبی ، علمی غزته‌در

جلد : ۳

سنه : ۲ ۸ رجب ۱۳۳۶ جمعه ایرتسی ۲۰ نيسان ۱۹۱۸ نومرو ۳۳ — ۶۴

اجمال افکار

اکم ایسته ، باضود پیلسه ایدی ...

« زمان » غزته‌سی سر محرر موقری شکری بک افندی به

بوکون ، پرخلوص ، پرعزم و ارادت بر حکومت مقدرات عثمانیه به نمک‌باندرد . بونکله برابر مطیه فکرته ، سیر و سفرنده مشکلاته اوغرییور . یالیا ایدیورز . نه‌دن ، نیچون ؟ شو استفهاملره اجوبه مقنعه تدارک ایتک مقصدیله ادوار آفایه به ، وشیمدیلک ، هیچ اولمازسه ، جتتمکان سلطان عبدالحمید خان ثانینک عهد سلطنتنه طوغری برسیاحت ذهنیه‌ده بولونه‌لی یز .

کچن عهدسلطنتده علم و معارف حقیقه تعمیم ایدلک ایسته‌نلسه ایدی ، ممکن اولوردی . نته‌کیم ، خاقان سابقک عصر حکومتده مکتب طیه بردور نوینه کیردی . (حیدرپاشا) ده مهیکل و مشکل بر عرفانسرای انشا ایدلدی . مکتب حقوق ، مکتب ملکیه ودها سائر ایریلی ، اوفقلی مکاتب تأسس ایتدی . دارالفنونک بیله تملی او قرنده آتلدی . اکر اوزمان ، نسبی واضافی برسرستی دائره‌سنده دارالفنون تنسیق ایدلسه ، معارفه دها فضله اهمیت ویرلسه ایدی ، بوکون ، بردانشوران اردوسنه مالک اوله جقدق . مطیه فکرتمز یالپالامیه جقدی ، دها فضله منورانمز بولونه جقدی . بوکا شک و شبهه یوقدر .

ایده جک بر (په لیکول) علاوه ایدیش، رسمی آله جق ذاتک او طوره جفی صندالیه ده شاقولی بر محور اوزرنده ایسته نلیدی سرغتله چور یله بیلیر بر حاله کتیرلشدر.

آرتق بو ترتیب سایه سنده حرمت ایتدیکنز ذواتی، سودیککنز سیالری بوتون روحی، بنیوی کوزالکاری، هر درلو اوضاع و اطواریله یشاتمق چاره سی بولمشدر.

دوار فوطوغراف اصولک فائده سی بوقدرده دکلدر. وفات ایتش مشاهیرک تابلوسی، هیکنی یاپه جق صنعتکارلرده بوندن پک چوق استفاده ایدجکدر. بوزوالیلر و قتیله یا علی العجله یاپیش بر قروکی ویا فنا برپوزده چکامش تک بر فوطوغراف اوزرنده چالیشمغه محکوم ایدیلر.

مشهور (فلور) رساملری، هیکاتراشلی سومه مکله معروفدر؛ دائماً بونلردن اوزاق یشامشدر. وفاتندن صکره یاپیلان آبد سنده کی مدالیونه رسمی حک ایتک ایسته یلر برموده بوله مامشار. نهایت دوستی بر رسامک خیالنده قالان سیما اوزرینه علی العجله یاپدیفی بر قروکی به مراجعته مجبور قالمشدر.

فلورک بوغریب مانیسنه مبتلا میلیونده برکشی بیله بولنه ماز. بوندن صکره دوار فوطوغراف رسام فورچه لرینک، هیکاتراش قلملرینک یکانه مدار استنادی اوله جقدر. مجسم بر (بوستنی) یاغلی بویا بر تابلوسی یاپدیرمق ایسته ی ذوات ینه بوسایه ده کونلرجه صنعتکارک قارشیسنده وضعیت آلوب دورمق زحمتدن قورتیله جقدر. زیرا بر دوار فوطوغراف سریشی اوزاتک یرینه قائم اولور، بوظیفه یی تمامیه ایفایه کفایت ایدر. اوفق بر تعدیلاتله هر فوطوغراف (آتویه) و ماکنه سنده قابل اجرا اولان بوقیمتلی اصولک بر آن اول مملکت مزده تعمیم ایدله سنی غیرتلی صنعتکارلر مزدن بویوک برامیدایله بکه مکده یز.

عبد الضیاضه نوفیوه

استقلال ملی، استقبال مالیز

استقرار و اطمینان مناسبتله

بشریت ایچون بر فلاکت اولان بو حرب جهانسوزی محاکمه ایدجک بز دکاز. تاریخ استقبال، بوبادریه سبیت ویرنلری البته میدانجه قاره جق، و، ماحی انسانیت بر چوق احتراصلرینه دنیایی قربان ایتک ایسته یلری ابدیاً لعنت ایله یاد ایدجکدر. بز بونقطه ده ایکی متضاد مقصدله چارپیشان آبی زمره کوریورز: ائتلاف دولترلی، حاکیت و تحکمی عالمه تشمیل ایتک، بیوک، کوچک سائر دولت و ملتک قوای ماده سنی کیره رک اونلری ربه اسارتی آلتنده ازمک غایه سنی تعقیب ایدرکن، بز و متفکرلر، حق حیات و موجودیتیزی مدافعه ایچون حرب ایتکه اجبار ایدلک. ترازونک بر کفه سنده بتون لوئیاتیله بر حرص استیلا، دیکرنده ایشه مشروع، نزه برحق مدافعه وار. عدالت الهیه کوستریورکه دشمنلر مرک هر کون توالی ایدن هزیمتلی دعوالرینک بطلاندندر.

کوک اقبالی، حادثات سابقه الجاسیله براز خسوفه اوغرامش اولان ملت مرک بوجهان حربنده کوستردیکی آتاز شهامت و جلادت، اونک، یشامغه، حیات ملله بر موقع احترام احراز ایتکه لایق

وقادر اولدیغنی اثبات ایتشدور. حربك مختلف جبهه لرندە قهرمانلر مارك آقیتدقلری او مبارك قانك هر طامله سی، مسامانلغی، عثمانیغی، ترككی لوٹ ذلتدن، ربقة اسارتدن تخلیص ایچون ایشار ایدلش برر قطره حیاتدر. ادوار تازینجه مارك اك قراکلی هنكاملرندە بيله ینه شان و شرفی محافظه ایچون بسالت و شجاعت ابرازندە قصورایتین ملتیز، البته مدافعه حیات و موجودیت ایچون آچیلان بومبارزه هولنا کده دخی کندینی کوستره جك ایدی. نته کیم بوکون عزم خدا پسندانه مارك ثمراتی دوست و دشمندن یوکسلن صدای تقدیر و حیرت لر آره سنده اقتطافه باشلادق: ساحة حیاتده پروقار بر موجودیت کوستره درك آزادی سیاسی مارك براتی کندی المز ایله آلدق؛ بوکون دوست و متفکر مری ایله سیاسی، عدلی، اقتصادی مناسبانه بر جریان سالم و یرمك ایچون معاهدلر، مقاوله لر عقد ایدیورز؛ یارین حر و مستقل هر دولت کی بشقه عضویات سیاسی ایله ده عقوداته کیریشه جکز. بو نعمت لرك کافه سنی، عنایت صمدانییه، ملتیزك حماست و فدا کاریسنه مدیونز. بوئی تقدیر ایتك استقبال ایچون برضماندر. بو استخلاص محاربه سندن صوکره، قز اندیغمز شان و ظفر اکلیلارینی محافظه، حالی ترصین، استقبالی احکام کی برچوق وظائف مهمه قارشوسنده بولنیورز که ماتك بتون طبقات اجتماعی سی بر وادیده بلکه حربده کوستردیکمز شهادتدن دها بیوک بر فعالیت و همت صرفنه مجبوردر. بو مکافیت لرك اك متحتمی استقلال ملیمك محافظه سنی کیفیتدر.

استقلالك شرط اساسی، قوای ملیه نك انكشافدن تحصل ایده جك ثمرات ایله احتیاجات ملیه نك تسویه سیدر. بز، حر و مستقل یشامق ایسترایسه ك بتون قوت مزی کند مزده آرامق و قومشونك نعمت معاونتنه افتقار ایتهمك ایچون هر درلو فدا کارلقدن چکنمه مك مجبوریتندە یز. ملی ثروتز، ملی صنایع و اقتصادیات مز سایه سنده در که سیاست خارجی مزده کسب رصانت ایدر. حرب میدا نلرندە قز اندیغمز شان و شرفك اك بیوک قوه تأییدیه سنی، بعدالجرب استقلال ملیمزی محافظه ایچون ساحة اقتصادیاتده کوستره جکمز قابلیت و حمیت ایله تنویج ایده جکز. بو خصوصیه تجویز اولنه جق اك اوفق مساحه، اهمیتسز بر لاقیدی او پری دل شکاری - معاذ الله - ابدیاً المزدن قاجیره بیلیر. حرب امتحاننده اثبات اهلیت ایتدك. شمدی ده، ای وطنداش لرا! سلامت وطن، استقلال ملی و استقبال مالیز اوغورینه آچیلان مسابقه ده احراز موفقیت ایچون سلاح حمیت مزه صارمقلغمز لازمدر! تاریخ مالیمزده زرین بر خط ایله یازیلنه جق اولان بر حادثه مسعوده قارشوسنده یز: وطنمز، اولادینی شان و شرفله کچند یرمك ایچون ینه اولره مراجعت ایدیور، و، یبانجیلره تکلیف اولنه میه جق درجه ده موافق شرائط ایله اولردن ایلك دفعه اوله رق بوزج ایستایور، بوپاره نك منحصرأ ترصین استقلال و استقبال ایچون صرف ایدیله جکینی دوشونمك، مقصدك علویته قناعت کتیرمه کافیدر. مملکته رغاهیت، افراد ملتیه نعمت حریت و تکمل تأمین ایده جك ماهیتده بولنان بو استقراض داخلی به ملتک هر صنف خلقی اشتراك ایدر ایسه او وقت یار و اغبار نظرندە ثابت اولور که:

«عثمانلی ملتی پک بیوکدر»

بلاغ بزدن، همت سزدن ای حمیتی وطنداش لرا!

کرمی احمد طاقی